

# 1 TIMOTEUS

## Timoteus tuku waŋe Paulusŋge amboŋga kuyarna

Timoteus nu taŋgo mbanzonu minmba Ku-ate tuku kuasmbi Efesusŋge minnaig ta kulatka minna le Paulus nu Romŋge muli wandek sinam taŋge minmba Timoteus idusmba waŋe te kuyarmba pilna le nu tugum kina.

Waŋe te tugunu teŋenmba. Yabri tum taŋgo afaŋge taŋgo pino Efesusŋge minnaig ta yabrininmba pasa suŋgomba saka minnaig le Paulus nu nane tuku mbar wamdus ta te-ibenjam saka waŋe te kuyarna sulumba Timoteus nu sangrimba tiŋga Kristus tuku pasa tugusek kukliwa ŋga nu sanjri pilena. Taŋamba nu gabat taŋgo madiniŋgam tuku pasa turmba Timoteus sana.

<sup>1-2</sup> O Timoteus kaiye. Ne Kristus tuku son ŋgate ta ne siŋka ye tuku kiŋo. Ye Paulus Kristus Yesus tuku aposel ye ne ndoŋ pasa-pasakam prowet. Ku-ate nu sine muskil kile-tidiŋgina le sine Yesus Kristus son ŋga nu minde mineg. Nalenŋe ye madiy-inaik le Kristus Yesus tuku aposel minet. Mam Kuate Yesus Kristus siŋgine Suŋgo nale ake sinan ne make pilmba sinanu mapenumba ŋgamuŋgal wamdus bul sernuwaik. Son.

*Yabri pasa tuku rironka*

<sup>3</sup> Ye buk Masedonia kambim saka nane afu pasa tugusek kusremba pasa kise sakinaig ta peniŋgam tuku ne Efesusŋge mina ŋgen.

<sup>4</sup> Nane yabri wam kube ko nanjine wa mbun kame tuku tugu patit ke lika sunjomba wamdus pile ndakuwaig. Nane wam ta sake lika ake sinaŋ kualeyaukade sulumba Kuate tuku son ŋga nu tuku wamdus kila palmbim idus ndade.

<sup>5</sup> Ye rironj pasa sanet te nanjine nanjine munju kume purka minwaig ŋget. Kuate am mbolŋge ŋgamunjal wamdus mukuk minam tuku kutur maŋau mbulwaig sulumba tugusemba nu tuku son ŋguwaig ta nanjine nanjine kume purkam kumuŋ.

<sup>6</sup> Nane afu maŋau kame ta kusreka pasa alo kugatok ta muŋgu wam kubeka isig.

<sup>7</sup> Nane Kuate tuku tukul maŋau afu tumningam bafude ta nane tugunu gilai. Nane tukul pasa katese maye ndamba afu sangrimba saningig.

<sup>8</sup> Sine Kuate tuku tukul pasa katese mayemba dubibe ta maye.

<sup>9</sup> Tukul pasa ta tanjo tinjeknu tuku pro ndana. Nu mbarde mbal tuku prona ta teŋenmba. Afu tukul lukakade ko Kuate ŋgumnemba unekade ko nu idus ndamba kilke te tuku maŋau ke likade ko ina mam ko tanjo afu bale farde

<sup>10</sup> ko tanjo pino ndonj fare fare minig ko tanjo pino ndonj minam tuku pino tanjo ndonj minam tuku maŋau mbilmba maŋau kise ke likade ko pirokam tuku ŋga tanjo bige tidingade ko afu yabrinigig ko ki am mbolŋge ŋga yabri pasa sakade ko maŋau tugusek afu lukakade, tukul pasa nu nane tuku prona.

<sup>11</sup> Pasa mayenu Kuatenge sina le kukliwet ta tanjamba ndo sakate. Kuate nu gare maŋau tuku

tugu. Nuŋe pasa mayenu taŋge nu tuku nyu suŋgo te-mayokte.

*Kuate nu Paulus sinanu mapena*

<sup>12</sup> Singine Suŋgo Kristus Yesus nu ye saŋgri sina sulumba ye tala ndayumba pirokam tuku madiyina. Wam ta tuku ye nu gare pasa tuwet.

<sup>13</sup> Ye buk nu pasa ŋayonu tumba nuŋe mbal piti niŋmba nu tumail panmba minen. Ye nu tuku tugu gilai minmba nu son nda ŋga taŋawen ta Kuate nu ye mapeyina le

<sup>14</sup> singine Suŋgo nu ye ake sinaŋ make pilmba suŋgomba sinzanyina le kile ye Kristus Yesus tuku son ŋga tira kame tuku kume puret.

<sup>15</sup> Pasa te siŋka son ŋgam tuku. Kristus Yesus nu mbarde mbal muskil kile-tidiŋge niŋgam tuku ndo kilke te mbol prona. Mbarde mbal ye nane ŋakmba liniŋmba mbar suŋgo ŋak minen ta

<sup>16</sup> Yesus Kristus nu pitik mbar lafunu se ndakina. Nu ye ambonga mapeyuwa le nane afu wam ta kaŋgermba nane mata nu tuku kume tuku saŋgri tomba tiŋga abo tugu tumba minmba minwaig ŋga idusna.

<sup>17</sup> Kuate nu ait ŋakmba tuku Gabat Suŋgo. Nu kumam kumuŋ kuga. Nu ammbi kaŋger ndaweg. Nu Mbara Suŋgo Ndindo. Sine nu tuku nyu suŋgo te-duŋga minmba minbe. Son.

*Saŋgri tiŋga pirokam tuku pasa*

<sup>18-19</sup> O yiŋe kiŋo Timoteus, nane o buk Tukul Guwa tugumuŋge pasa ismba kile-mayokka ne taŋamba ke likamuŋgat ŋginaig. Ne pasa ta idusmba Kuate am mboluŋge ŋgamuŋgal mukuk ŋak minam tuku mbar maŋau pitaika Kristus tuku son ŋga

minmba kame tanjo tanan sanjri tinga piroka. Afu nanjine mbar manau ta yabukade le wan nu mbon mbolnge fetka ngisikate tanamba nanjine ngamunggal son ngisikate.

<sup>20</sup> Himeneus le Aleksander nale mata tanade. Nale Kuate tumail pande ta kusrewaik nga ye nale Satan tuku wai mbolnge patiken.

## 2

### *Kuate yabanam tuku manau*

<sup>1</sup> Pasa te ambonja sani le ise mayewa. Ne Kuate ndon pasata nu tanjo pino turkuwa nga yabanmba nu gare pasa tawe.

<sup>2</sup> Gabat sugo sugo sine kulatkade mbal nane njakmba sine kulat magewam tuku Kuate yabaja. Nane tanawaig ta sine piti kugatok mine mayenu mbolnge minmba Kuate dubimba manau tugusek kam kumu.

<sup>3</sup> Ne tanamba Kuate yabaja ta ne wam mayete. Kuate nu sine muskil kile-tidinge singit nu yaban manau ta nzalite.

<sup>4</sup> Nu tanjo pino njakmba muskil kile-tidinge ninguwa le pasa tugusek kila pilwaig nga iduste.

<sup>5</sup> Mbara Ndindo nu Kuate. Sine Kuate ndon ulendisingam tuku tanjo ndindo nu Kristus Yesus.

<sup>6</sup> Ait kumungina le nu Kuate tuku wamdu te-mayokmba tanjo njakmba tuku muskil kile-tidingam tuku nuje ngarosu kumam tuku pilna.

<sup>7</sup> Ye pasa ta kuklimba kasomok mbal tumningi le nane pasa tugusek ta son nguwaig nga nu ye kukulyina. Ye yabri ndaka son pasa saket.

<sup>8</sup> Ma ḡakmba mbolḡge taḡo nane Kuate yabaḡwaig ḡga iduset. Nane gubra maḡau wam ḡaigonu ḡakmba ḡgumneniḡmba maḡau purfeḡnu mbolḡge minmba wai kile-duḡga Kuate yabaḡwaig ḡget.

*Pino kame tuku pasa*

<sup>9</sup> Pino kame nane mindepiymba nane alen alen ndaka aḡaḡ ndende kumumbi mindepiywaig. Gabat pareḡ latomba aḡaḡ maditaknu golmbi wakeikanu piya o mbolḡge tambu mindepiye ndakuwaig.

<sup>10</sup> Sine Kuate tuku mbal ḡga idusmba kande ta kumumba wam magenu ndo kuwaig. Maḡau ta naḡḡine mindepiye mayenu taḡaḡ.

<sup>11-14</sup> Kuate nu amboḡga Adam wakeina sulumba ḡgumneḡga Eva wakeina. Adam nu Satanḡge yabri ndana. Kuga. Pino ta nu Satanḡge yabrina le Kuate tuku miḡge pitaina. Wam ta tuku pino kame nane taḡo lukaka Kuate tuku pasa tum ndaniḡguwaig ḡget. Nane mbolḡge mbolḡge ndamba maninok minmba pasa ismba kila pilwaig.

<sup>15</sup> Pino nane kiḡo kile-patika Kuate tuku son ḡga afu tuku kume purmba wam ḡaigonu mbulmba maim maim ndaka minwaig. Taḡawaig ta Kuate nu nane tuku muskil kile-tidiḡge niḡgamḡgat.

### 3

*Kulat mbal tuku pasa*

<sup>1</sup> Pasa te siḡka son pasa. Ande nu kusem wande tuku kulat taḡo piro kam nzaliwa ta piro ta mayenu ndo.

<sup>2</sup> Kulat tanjo nu tanjo am mbolnje mbar kugatok minwa. Nu pino ndindo njak minmba nuje nzali njagonu tidonjuwa sulumba wamdus kuyar mayenu njak pizuknu minwa. Nu mbal afu kilewandekka isukusneninjuwa. Nu Kuate tuku pasa tanjo pino tum mageninjuwa.

<sup>3</sup> Nu kule kamenu nyumba njinginjanka afu kat ndaninjuwa. Nu njgan minmba afu ndonj kua-leyau ndakuwa. Nu ndametinj tuku sunjomba idus ndawa.

<sup>4</sup> Nu nuje pino kinjo kame kulat magekuwa le nuje kinjo kame nu kumnemnje minmba maim maim ndakuwaig.

<sup>5</sup> Nu nuje pino kinjo kulat magekam fugute ta nu ndanjmba Kuate tuku kuasmbi kulatkamngat?

<sup>6</sup> Tanjo ailfu ndo njgamunggal biye mbilna ta nu kulat tanjo nda minwa. Nu nuje njgaro payamkikat. Tanjawa ta nu Satan tanjan lafu njayonu tamngat.

<sup>7</sup> Nu Kristus gilai mbal am mbolnje mata mayenu minwa. Nane nu tuku manjau njayonu tuku sakuwaig ta Satan nu didika tumba njayo siliwikat.

### *Gabat tanjo kame tuku pasa*

<sup>8</sup> Kusem wande tuku gabat kame nane mata wamdus kuyar magenu njak minwaig. Nane pasa mbilmbilmba mine ndakuwaig ko kule kamenu sunjomba nda nyuwaig. Nane ndametinj kilam tuku piriri ndawaig.

<sup>9</sup> Nane mbar manjau pitaika Kuate am mbolnje piti kugatok minam idusmba Kuate tuku pasa tugusek buk kurok minna ta biye mayewaig.

<sup>10</sup> Tane nane mañau kade ta pileningap le nane kumumbi kuwaig ndeta nane piro ta kuwaig.

<sup>11</sup> Piyo kat nanjine nane mata wamdus kuyar magenu ñak minmba ngumnem pasa sa ndakuwaig. Nane nanjine nzali ñaigonu tidonja mañau magewaig.

<sup>12</sup> Gabat tango nane pino ndindo ñak minmba nanjine pino kiño wande tuma mbal kulat magekuwaig.

<sup>13</sup> Nane gabat piro biye mayewaig ta afunje nane piro mbal magenu ñguwaig le nane sine Kristus Yesus tuku pasa son ñgeg ta sanjri tinja kukliwamñgaig.

### *Sine son ñgeg pasa ta tugunu*

<sup>14-15</sup> Ye mine-minemba ne tugum prowam iduset ta ye dalkikit ñga kile wam pagu pasa te tinet. Ne Kuate tuku kiño kame ñgamukñge minmba nane ndonj mañau magenu ke likam tuku kila pale ñga ye wañe te kuyaret. Nane Kuate abo tugu ñak nu tuku kuasmbi minig. Nane makek sugo bike ndakade tanañ sanjri tinja nu tuku pasa tugusek biye dede.

<sup>16</sup> Sine Kuate tuku son ñga nu mbarinjeg wam ta sunjokanu kuirok ta teñenmba.

Nu tango ñgarosu tumba mayok kina.

Nu tinjeknu ta Tukul Guwanje tumsinina.

Enjel kame nane nu kanjernaig.

Kilke ñakmba mbolñge afu nu tuku pasa kuklinaig le kasomok mbal nu tuku son ñginaig.

Kuatenje tumba mañ luka samba mbol kina.

## 4

### *Afu nane yabri pasa dubiwamŋgaig*

<sup>1</sup> Tukul Guwanŋe maŋau mayok kangaig ta kilimok sakate. Ngumneŋga afu Kristus tuku son ŋgade ta kusremba guwa ŋaigonunŋe nane yabrininŋuwaig le ismba bukla tuku pasa dubiwamŋgaig.

<sup>2</sup> Yabri tum mbal nane nanŋine mbar tuku piti tidonŋa mbaram tuku wamduŋ piti kugatok nane yabrininmba minamŋgaig.

<sup>3</sup> Nane teŋenmba sakamŋgaig. Tanŋo pino munŋu kile ndakap. Agaŋ kame te nye ndakap ŋgamŋgaig. Pasa ta yabri pasa ndo. Agaŋ kame ta Kuatenŋe kile-mayokkina. Pasa tugusek katesemba son ŋgade mbal nane Kuate gare pasa samba agaŋ ta kilmba nyuwaig ŋga nu agaŋ kame ta kile-mayokkina.

<sup>4-5</sup> Kuatenŋe agaŋ kile-mayokkina ta ŋakmba magenu ndo. Kuate nu agaŋ kame ta magenu ŋgate le sine nu gare pasa tumba yabanmba nyube. Mbulam kumuŋ kuga.

### *Paulus nu Timoteus wam paguna*

<sup>6</sup> Wam pagu pasa ta ŋakmba tira kame saninmba mina. Ne taŋawa ta ne Kristus Yesus tuku piro taŋo mayenu minamŋgat. Kristus tuku pasa tugusek son ŋga dubite taŋge ne sanŋri pilenamŋgat.

<sup>7</sup> Kilke te mbolok ŋginŋan wam kube ta ŋgumneninŋa sulumba Kuate tuku miŋge dubiwam tuku ŋgamunŋal tumtumba mina.

<sup>8</sup> Ne ŋgarosu pinderkam tuku tumtuma ta alo fudinŋdo. Ne Kuate tuku miŋge dubiwa ta alo



sunḡokanu. Kile kilke te mbolḡge ḡgumneḡga kilke kitek mbolḡge mata abo ḡak minmba minamḡgat.

<sup>9</sup> Pasa ta siḡka son ḡgam tuku.

<sup>10</sup> Kuate nu abo minmba minit nu taḡḡo ḡakmba tuku muskil kile-tidiḡge niḡgam iduste ta sine nu tuku saḡgri tomba tiḡgeḡ mbal nu siḡka muskil kile-tidiḡge siḡgamḡgat ḡga minde mineḡ. Sine wam ta idusmba piro kareḡka mundusiḡgit.

<sup>11</sup> Ne wam pagu ta ḡakmba kuklimba saniḡga.

<sup>12</sup> Nane ne taḡḡo mbanzonu ḡga ne tala ndanuwaig. Kuga. Ne pasa mayenu, maḡau mayenu, kume pur maḡau, ḡgamuḡgal son, maḡau purfeḡnu ta ḡakmba kumba mina le Kristus tuku son ḡgade mbal ne dubinuwaig.

<sup>13</sup> Ne Kuate tuku pasa nane ndoḡ burka tuḡunu kuklimba tumniḡmba mina le ye ne tuḡum prowamḡgit.

<sup>14</sup> O buk nane afu Tukul Guwa tuḡumuḡge pasa ismba kile-mayokkinaig le gabat kame nane ne mbolḡge wai patikinaig le ne piro tuku saḡgri tina wam ta ne ḡilai ndaḡga.

<sup>15</sup> Ne wamdus ndindo tumba piro sakit ta biye mayewa le afu ne tuku piro maḡau saḡgri tiḡgate ta katesewaig.

<sup>16</sup> Naḡe mine maḡau ko pasa tumniḡgit ta mata kurau mayewa. Ne taḡawa ta Kuate nu ne pasa isiḡ mbal turmba muskil kile-tidiḡge tiḡgamḡgat.

## 5

### *Maḡau magenu taḡḡo pino mbolḡge kam tuku*

<sup>1</sup> Taḡḡo saibo ande mbarwa kande ne nu tumba sigair sigair ndawa. Ne mam naḡe wamdus

mukukmbi sate tanjamba nu te-tiwa. Tango mbanzonu maib nane mbolnge manjau kate tanjamba ka.

<sup>2</sup> Pino saibo ina nane tanjan nane mbolnge ka. Pino mbanzo kulim nane mbolnge manjau purfenju kate tanjamba ka.

### *Pino kuembol tuku pasa*

<sup>3</sup> Pino kuembol ande nu kulatkam tuku mbal afu mine ndakuwaig kande Kristus tuku mbalnge nu kulatkuwaig.

<sup>4</sup> Ko nu kinjo kame ko wa kame njak ndeta nane ina mamnge nane kulatkinaig ta lafunu nu kulatkuwaig. Kristus dubide mbal nane ambonga nangine tugu mbolnge manjau mayenu kuwaig nga Kuate nu nzalite.

<sup>5</sup> Pino kuembol ande nu kulatkam tuku mbal afu mine ndakade le nu Kuate ndo ye turyamngat nga furir mafen mindek nu yabante.

<sup>6</sup> Pino kuembol nu nuje ngarosu tuku nzali dubimba likate ta nu abo minit nga iduste ta nuje kanu kumaknu minit.

<sup>7</sup> Ne sanjri tinga wam pagu pasa ta turmba nane ninga. Afunje nane manjau njaigonu kade ngubekaig.

<sup>8</sup> Ande nu nuje ina mam ndare tuma kulat ndakate ta nu Kristus tuku pasa son ngeg ta pitaite. Kuate gilai mbal minig tuku manjau limba nu sinjka njayonu ndo minit.

<sup>9</sup> Pino kuembol afu Kuate tuku piro biyam tuku nyu kuyarka le Kristus tuku kuasmbinge nane kulatkuwaig. Afu buk tango ndindo ndo njak minnaig ta tango kumnaig le kile saibo patika yar 60 tanjan minig ta nane tuku nyu ndo kuyarka.

<sup>10</sup> Nane buk kiŋo kame kulat mageka mbal afu kilmba isukusneniŋmba Kuate tuku mbal sinzaŋniŋmba sinamanzerkinaig mbal wakeika wam magenu ŋakmba kam tuku wamdus saŋgrinu pilnaig le afu ta tuku sakade. Ne saibo taŋaŋ tuku nyu ndo kuyarka.

<sup>11-12</sup> Pino mbanzonu kuembol minig ta ne nane tuku nyu kuyar ndaka. Naŋgine nzali taŋge nane didikate le maŋ taŋgo kilmba Kristus ŋgumnemba nu tuku piro pino minam tuku pasa katnaig ta kuerkade. Maŋau ta tuku nane pa tam tuku minig.

<sup>13</sup> Wam ta ndo kuga. Nane ake kanyummba wande wande mbol kumba fare fare pasata waŋe pasa tumba pasa afu nda sakam tuku si sakade.

<sup>14-15</sup> Afu buk mbilka Satan dubide. Ta tuku ye maŋ sakamŋgit. Pino mbanzonu kuembol minig ta nane maŋ taŋgo kilmba kiŋo kile-patika naŋgine wande kulatka minwaig. Taŋawaig le sine tuku ŋgueu mbal sine Kristus tuku mbal tuku nyu kile-ibeŋke nda.

<sup>16</sup> Kristus tuku son ŋgate ande nuŋe ndare ande kuembol minwa ndeta nu kulatkuwa. Kristus tuku kuasmbiŋge kulat ndakuwaig. Kuembol afu kulatkam tuku mbal mine ndakade ta nane ndo kulatkuwaig.

### *Gabat kame tuku pasa*

<sup>17</sup> Kusem wande tuku gabat kame afu piro ke mayede ta piro piya maŋ lato niŋgam kumuŋ. Afu saŋgri tiŋga pasa kukli mayede ta siŋka piya lato niŋgap.

<sup>18</sup> Kuyar pasa ande teŋenmba sakate.

Tane makau wit alonu tomba sikam tuku piro niŋmba alonu afu nye ndakuwaig ŋga miŋge tukul ndaniŋgap. *Lo 25.4*

Pasa ande teŋenmba sakate: Tane piro taŋgo tukunu afu tugumŋge agan ndende kilam kumun ŋgate.

<sup>19</sup> Taŋgo armba ko keŋmba gabat taŋgo nu mbar ande kina ŋguwaig le ne son ŋga. Ko ndindonge nu mbarat ŋguwa kande ne ise ndaka.

<sup>20</sup> Nane afu mara mara mbar maŋau kumba minwaig ndeta ne nane kilmba taŋgo ŋakmba am mbolŋge kile-tidiŋga le nane afu kaŋgermba kuru-kurukuwaig.

<sup>21</sup> Kuate, Kristus Yesus, eŋel kame Kuatenge madiŋgina ta nane ŋakmba am mbolŋge ye pasa te sanamŋit. Ne wam pagu pasa sanit ta dubimba ande make pilmba ande kasur ndawa.

<sup>22</sup> Ande Kuate tuku piro biywa ŋga pitik madimba wai nu mbolŋge pile ndaka. Afuŋge ne didikuwaig le nane tuku mbar maŋau dubi ndawa. Ne maŋau kutur ŋak rironka.

<sup>23</sup> Ne kule tidonu ndo nye ndaka. Ne mara mara guaze tate tukunu ne grep kule fudiŋmba turmba nya le fungul mayekuwa.

<sup>24</sup> Taŋgo afu tuku mbar maŋau kilimŋge minig le kilmba pasa mbolŋge patikade. Afu mbarde ta kuirok minig ta ŋgumneŋga Kuatenge kile-mayokkamŋgat.

<sup>25</sup> Afu tuku maŋau magenu mata kilimŋge minig. Afu tuku maŋau magenu kuirok minig ta sinka ŋgumneŋga kilimŋge minamŋgaig.

## 6

### *Piro mbal tuku pasa*

<sup>1</sup> Kristus tuku son ngade mbal piro agan tanan afu tuku pirokade ta nane nangine gabat tuku kuraukuwaig. Nane tanawaig ta afunje Kuate tuku nyu nu tuku pasa ngaigo siglike nda.

<sup>2</sup> Nangine gabat kame Kristus tuku son nguwaig ta piro mbal nane kile nu ye tuku tira nga nu maim maim tuwe ndakuwaig. Nangine gabat son ngate ta nu tuku kume purmba man lato nu tuku piro ke mayewaig.

### *Ndametin tuku pasa*

Ne tanjo pino wamdus kuagneka pasa te saninga.

<sup>3</sup> Ande nu singine Sunjo Yesus Kristus tuku pasa tugusek Kuate kumnemnge minam tuku ta kusremba pasa kise sakate ta

<sup>4-5</sup> nu nginngan tanjo ndo. Nu ake nuje nyu payamkate. Nu pasa tugunu afu tuku munju tulinu nzalite le mbal afu pasa tugusek gilai minmba nginnganka minig ta nane tuku wamdus kuagnekate. Wam ta mbolnge nane afu tuku mine ta tam tuku am kikonj tinga afu ndonj kualeyaukade sulumba afu tuku nyu ngaigo siglikade. Afu ake tuliniimba kualeyaukade. Nane wamdus mbarmba sine Kuate kumnemnge minmba ndametinj agan ndende gudommba kilamngig ngade.

<sup>6</sup> Ne isa. Ande ye Kuate kumnemnge minet te kumunj ngate ta nu agan ndende njak tanan nu sinjka gare njak minit.

7 Sine ina sinamŋge agan ndende ŋak pro ndagen. Sine kumbe sulumba agan ndende ŋakmba kusreka ake kaŋgig.

8 Kile sine tawi nyamagan ŋak minmba ndeta maye.

9 Afu agan ndende kilam tuku piriride ta Satan nu nane tagoniŋgit le ndekade le kilmba ŋaigo siglikate. Nane wamdus kugatok naŋgine nzali kame taŋge nane kulatka didikade le dubika ŋgisikade.

10 Agan ndende ko ndametiŋ kilam tuku piriride wam ta maŋau ŋaigonu yeki yeki ŋakmba tuku tugu. Afu ndametiŋ kilam piriride ta nane Kuate tuku son ŋginaig ta kusrenaig sulumba kile ŋgamuŋgal rar suŋgo ŋak minig.

### *Abo tugu minmba minam tuku pasa*

11 O Timoteus, ne Kuate tuku taŋgo. Ne maŋau ta ŋakmba rironka. Ne maŋau tiŋreknu ndo kam tuku, Kuate kumnemŋge minam tuku, nu tuku son ŋgam tuku, afu tuku kume purkam tuku, piti sinamŋge saŋgri tiŋga bike ndakam tuku, ŋakmba ŋgamukŋge ŋgan minam tuku wam ta ŋakmba ke mayewam tuku idusmba wamdus saŋgrinu pale.

12 Ne Kristus tuku son ŋgina ta nane gudommba am mbolŋge te-mayokna le Kuate nu ne abo minmba minam tuku madinina. Ne Kuate tuku saŋgri tomba tiŋgam tuku nane muŋgu lilika pinderkade taŋaŋ matuk tukulka abo tugu ta biye dewa.

13 Kuate nu agan ndende ŋakmba abo niŋgit ta Kristus Yesus nu Pontius Pilatus tugumŋge nuŋe tugu te-mayokna ta ye nale am mbolŋge ne sanamŋgit.

14 Kuate tuku pasa dubi mageka le afunḡe pasa ta ḡayo sili ndawaig. Tanḡamba mina le ma ma sinḡine Sunḡo Yesus Kristus mayok kanḡat.

15 Ait kumunḡuwa le Kuatenḡe nu temayokamḡat. Kuate nu gare tugu. Nu Kulat Sunḡo ndindo. Gabat ḡakmba tuku nu Gabat. Sugo ḡakmba tuku nu Sunḡo.

16 Nu ndindo kume nda. Bulu sanḡrinu sinamḡe minit le sine patuwam kumunḡ kuga. O buk kile mata ande nu kanḡeram kumunḡ kuga. Nu tuku nyu sunḡo pasa ḡak sanḡri ḡayo minmba minwa. Son.

*Agan ndende ḡak mbal tuku pasa*

17 Ne agan ndende ḡak mbal sanḡḡa le nane agan ndende payamka sine agan ndende ḡak mage minamḡḡig ḡḡa idus ndawaig. Agan ndende ta pitik kugade. Kuate nu sine gare tube ḡḡa agan waknyumba wam magenu ḡakmba sinḡit. Nu tuku sanḡri mbolḡe mage minamḡḡig ḡḡa iduswaig.

18 Ne nane sanḡḡa le wam magenu sunḡomba kumba waknyumba afu turkuwaig.

19 Tanḡawaig ta nane wam mayenu ḡḡumnenḡa tam tuku ta kuaneka abo tugu tugusek ta tamḡḡaig.

*Kuate tuku pasa kulat mayewa*

20 O Timoteus, Kuatenḡe pasa tinna ta kulat mayewa. Nane afu kilke mbolok pasa alo kugatok saka ko ye kila ḡak ḡḡa pasa tugusek te-ibenḡe ta ne pasa ta ise ndaka.

21 Nane afu sine kila ḡak ḡḡa wamdus mbarmba Kristus tuku son nda ḡḡade.

Kuate nu ake sinanḡ tane make patika minwa. Son.

**KUATE TUKU PASA**  
**Portions of the Old Testament and The New Testament**  
**in the Siroi Language of Papua New Guinea**  
**Sampela hap Buk Baibel long tokples Siroi long**  
**Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709